

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Arsenicū siue auri pigmentum operment Capitulū. xlviii.

Arsenicum grece et latine. arabice harnesch. Der meyster Serapio in dem büch aggregatoris in dem capitel harnesch spricht das do sy zweyer hande Arsenicum. der eyn roit. vnd der ander zyttrin farbe. diessen besten bruchet man in der artzney vñ diß ist der beste arsenicum der do nit vermischet ist mit erden. Itē der roit arsenicum oder auri pigmentū ist der beste der gantz roit ist gleich dem cenoker vñ der geroch gleich dem swebel. Itē die meyster sprechen gemeynlich das Arsenicū habe viel gift in ym vñ sy schedelich do mit vmb zū gan. vnd bleset vff das anzlitz gleich obe es zur/ swollen were des gleichen die hende Item arsenicum ist heys vnd drucken an dem vierden grade Ser meyster Auicenna in synem andern büch in dem capitel Arsenicum spricht das der arsenicū habe mancherley farbe. eyner ist wyß. der ander zyttrin farbe. der drit roit Der beste vnder den ist der do hait zyttrin farbe gleich eynem granat apffel vñ der sich gern laisset puluerisiren Diascorides spricht vor das kychen nym arsenicum vñ lege den vff glüen kolen vñ laiß den rauch in dich gan durch eyn dresten. Dar nach nym güten bewerten dryackels als groß als eyn halbe haselnuß vñ zurdrybe den in essig vff eynen drunck so ist dir der rauch nit schedelich Item wan man nutzet arsenicū in den lyp so sal man allwege dar nach nutzen dria/ kels oder metridat. Item nym eyn quintin arsenicum vñ ver/ mische den mit eynem eyß wyß vñ nutz das benymet den bösen alten hūsten der lange zyt geweret hait Item vß vngelēstem kalck vñ vß arsenicum machet man eyn salbe das das hare abe etzet also das keyns mee an der selben stat wachsen mag. vñ das mach also. Nym zwey loit vngelēstem kalck vñ den laiß zū geen in wasser vnd syed dē darnach nym ein halb loit arsenicum vnd syed den mit dem kalck. Vnd wan du wissen wilt ob es genug gesotten sy so nym ein fedder vñ stoiß die dar inne vñ balde widder vmb dar vß. laisset die fedder ir hare ab gan so ist es genug gesotten synt sie aber noch hart dar an so laiß sie bas sieden Mit dieser salben magstu die hut strichen an dē libe wo du wilt kein hare haben das etzet diß salbe vß an schaden vñ wechset an dem selben ende keyns meen. Vnd wan das hare abe kom/ met an dem andern dage oder an dem drittē so wech die hut do selbst abe mit luterem wasser. also das die salbe reyn abe come anders es freß hut vñ fleiß vff wan es die lenge dar an bliche. Item fur die böse rude vnd scharpff hut. Nym sepfen zwey teyl vnd Arsenicum das drittē vnd mische das durch eyn vnd mache dar vß eyn salbe vñ do